

ՄԻԱՄՆԱԿԱՆ ՔՆՆՈՒԹՅՈՒՆ

2024

ՏԱՎՈՒՇ

ՀԱՅՈՑ ՊԱՏՄՈՒԹՅՈՒՆ

ԹԵՍՏ 1

Խմբի համարը

Նստարանի համարը

Հարգելի՛ դիմորդ

Խորհուրդ ենք տալիս առաջադրանքները կատարել ըստ հերթականության: Ուշադիր կարդացե՛ք յուրաքանչյուր առաջադրանք և պատասխանների առաջարկվող տարբերակները: Եթե Ձեզ չի հաջողվում որևէ առաջադրանքի անմիջապես պատասխանել, ժամանակը խնայելու նպատակով կարող եք այն բաց թողնել և դրան անդրադառնալ ավելի ուշ:

Ձեր առջև դրված թեստ-գրքույկի էջերի դատարկ մասերը ազատորեն կարող եք օգտագործել սևագրության համար: **Թեստ-գրքույկը չի ստուգվում: Ստուգվում է միայն պատասխանների ձևաթուղթը:**

Առաջադրանքները կատարելուց հետո չմոռանաք պատասխանները ուշադիր և խնամքով նշել պատասխանների ձևաթղթում: Պատասխանների ձևաթղթի ճիշտ լրացումից է կախված Ձեր քննական միավորը:

Մաղթում ենք հաջողություն:

1

Մարդուրի II-ի կողմից կախյալ թագավորությունները վերացնելու և պետության վարչական միավորներ դարձնելու արդյունքում կառավարման ոլորտում անցում կատարվեց՝

- 1) դաշնային կառավարման
- 2) համադաշնային կառավարման
- 3) ամբողջատիրական պետության
- 4) կենտրոնացված պետության

2

Թվարկվածներից ո՞րը պատմական իրադարձության հետևանք չէ:

- 1) Արաբ խալիֆաների կողմից Հայաստանում արաբական տարրի բնակեցումը դժվարացրել է կենտրոնաձիգ պետության ստեղծումը:
- 2) Հայաստանում արաբական ցեղերի հաստատումը պատճառ է դարձել հայ նախարարական ուժերի արտագաղթին դեպի Փոքր Ասիա:
- 3) Աշոտ Բագրատունու (686-689 թթ.) օրոք խալիֆայության և Բյուզանդական կայսրության զորքերի ներխուժման հետևանքով Հայաստանի վիճակը վատթարացել է:
- 4) Գրիգոր Մամիկոնյանի (661-685 թթ.) կառավարման խաղաղ ընթացքը պայմանավորված է եղել Քաղիսիայի ճակատամարտում արաբների պարտությամբ:

3

Թվարկվածներից ո՞րն է 1970-1980-ական թվականների հայագիտության զարգացման արդյունք:

- 1) Պատմական, գրական թանգարանի ստեղծումը:
- 2) 12 հատորյա հանրագիտարանի հրատարակումը:
- 3) Գրողների միության ստեղծումը:
- 4) «Մասունցի Դավիթ» էպոսի հրատարակումը ռուսերենով:

4

Ո՞րը Ք.ա. 94 թ. հայ-պոնտական պայմանագրի հետևանք չէ:

- 1) Պոնտոսի արքայադուստր Կլեոպատրան ամուսնացավ Հայոց արքայի հետ:
- 2) Հայաստանը գործողությունների ազատություն ստացավ հյուսիսում, հարավում, արևելքում:
- 3) Հայ-պոնտական միացյալ ուժերը հարձակվեցին Կապադովկիայի վրա:
- 4) Հայաստանի և Պոնտոսի միջև սահմանային գետ ճանաչվեց Տիգրիսը:

5

Հայերի՝ միութենական հանրապետություններում տեղաբաշխվածությանը վերաբերող հետևյալ պնդումներից ո՞րն է սխալ:

- 1) 1920-1930-ական թվականներին Խորհրդային Հայաստանից հետո Խորհրդային Ռուսաստանը եղել է ամենահայաբնակ հանրապետությունը ԽՍՀՄ-ում:
- 2) 1926 թվականին Ուկրաինայի ԽՍՀ-ում անցկացված մարդահամարի համաձայն հայաշատ քաղաքներ են եղել Խարկովը, Օդեսան, Կիևը:
- 3) Հայրենական պատերազմի տարիներին Ղրիմի հայությունը ստալինյան բռնությունների արդյունքում ենթարկվել է տեղահանության:
- 4) Հետպատերազմյան տարիներին հարյուրավոր հայ մասնագետներ Միջին Ասիայի, հատկապես Ղազախստանի խոպան հողերի յուրացման քաղաքականության արդյունքում հայտնվել են այնտեղ:

6

Խորհրդային Հայաստանի կոլեկտիվացման քաղաքականությանը վերաբերող տրված հետևանքներից ո՞րն է սխալ:

- 1) Հայաստանից արտագաղթեցին հազարավոր ընտանիքներ:
- 2) Հազարավոր գյուղացիներ հաց արտադրողից վերածվեցին սպառողի:
- 3) 1929-34 թթ. մանր եղջերավոր անասունների քանակը կրճատվեց 30 %-ով:
- 4) 1930 թ. իբրև «կուլակ» ունեզրկվեց 1100 տնտեսություն:

7

Ո՞րն էր պարթև արքա Վաղարշ I-ի՝ հարևան երկրներում իր եղբայրներին գահ բարձրացնելու հիմնական նպատակը:

- 1) Ստեղծել դաշնակից երկրների զինակցություն ընդդեմ Պոնտոսի:
- 2) Չեզոքացնել Հայաստանից սպառնացող քաղաքական վտանգը:
- 3) Վերջ տալ իր թագավորությունում գահակալական կռիվներին:
- 4) Վերականգնել Աքեմենյան տերության սահմանները:

8

Ո՞ր պնդումն է սխալ:

- 1) 20-րդ դարի սկզբին Օսմանյան կայսրության ամենաշատ հայերով բնակեցված վարչական միավորը Վանի նահանգն էր:
- 2) Վանի 1915 թ. ինքնապաշտպանության շնորհիվ 200 հազար վասպուրականցի փրկվել է և տարագրվել:
- 3) 19-րդ դարի 60-70-ական թվականներին հայ իրականության մեջ ձևավորվել են առաջին քաղաքական կուսակցությունները:
- 4) 19-րդ դարի 80-ական թվականներին զինված պայքարի գաղափարի կայացման հարցում վճռորոշ են եղել նաև Խրիմյան Հայրիկի իրականացրած ջանքերը:

9

Ք. ա. 94 թվականին Շոփքի միավորմամբ Մեծ Հայքը դուրս է եկել՝

- 1) Արևմտյան Տիգրիսի ափ
- 2) Արևելյան Եփրատի ափ
- 3) Արևելյան Տիգրիսի ափ
- 4) Արևմտյան Եփրատի ափ

10

Արշակունի արքաներից ո՞վ է հրաժարվել Հայոց կաթողիկոսներին Կեսարիայում օժելու կարգից:

- 1) Պապ
- 2) Վռամշապուհ
- 3) Տրդատ Մեծ
- 4) Տիրան

11

Վահանանց ապստամբության արդյունքում Վահան Մամիկոնյանը պարսից շահի կողմից ճանաչվեց՝

- 1) մաղխազ
- 2) սպարապետ
- 3) մեծ դատավոր
- 4) Հայր մարդպետ

12

Որտե՞ղ չի եղել առաջնորդական աթոռ՝ մինչ Հայոց նվիրապետության հաստատումը:

- 1) Եղեսիա
- 2) Աղձնիք
- 3) Արտազ
- 4) Սյունիք

13

Որքա՞ն բուհ է գործել Հայաստանում 1991 թվականին:

- 1) 10
- 2) 16
- 3) 14
- 4) 11

14

Որքա՞ն հայ է Սփյուռքից տեղափոխվել Հայաստան 1946-1948 թվականներին:

- 1) 50 000
- 2) 90 000
- 3) 60 000
- 4) 70 000

15

Հոռուր ո՞ւմ է նշանակել Հայաստանի թագավոր Վաղարշ I-ից հետո:

- 1) Բակուր
- 2) Սոհեմոս
- 3) Վոնոն
- 4) Միհրդատ

16

Հայոց իշխաններից ո՞վ է կառուցել Թալինի նշանավոր եկեղեցին:

- 1) Սմբատ Բագրատունի
- 2) Գրիգոր Մամիկոնյան
- 3) Համազասպ Մամիկոնյան
- 4) Ներսեհ Կամսարական

17

Ի՞նչ առիթով է Ալեքսանդր Խատիսյանը ասել հետևյալ խոսքը.

«Մենք կործանեցինք բռնության շղթան, իսկ այժմ եկել է ժամանակը՝ փշրելու տգիտության շղթան»:

- 1) Պետական համալսարանի բացում:
- 2) Հայաստանի Գիտական ինստիտուտի ստեղծում:
- 3) Մատենադարանի բացում:
- 4) Գիտության և արվեստի ինստիտուտի բացում:

18

Ի՞նչ իրադարձության կապակցությամբ է հռոմեացի պատմիչը ասել հետևյալ խոսքը.

«Արևելքում իրենց ամենից շատ հոգսեր են պատճառել հայերը»:

- 1) Արտաշես I-ի միավորիչ գործունեության:
- 2) Տիգրան II-ի նվաճողական քաղաքականության:
- 3) Արտավազդ II-ի անհնազանդության:
- 4) Տիգրան IV-ի թագավորման՝ որպես ինքնիշխան միապետի:

19

Ինչպե՞ս է կոչվել այն գավառը, որտեղ կառուցվել է Արտաշատ մայրաքաղաքը:

- 1) Բագավան
- 2) Ազնվաց ձոր
- 3) Ոստան Հայոց
- 4) Արշարունիք

20

Ինչպե՞ս է կոչվել 701 թվականին ստեղծված՝ Հայաստանը, Վիրքը, Աղվանքը, Մերձկասպյան շրջաններն ընդգրկող վարչաքաղաքական միավորը:

- 1) Արմենիկա
- 2) Արմինիա
- 3) Առան
- 4) Աղուանք

21

Ի՞նչ հետևանք է ունեցել Սարգոն II-ի Ք. ա. 714 թվականի արշավանքը դեպի Ուրարտու:

- 1) Ասորեստանին միացվեց Ուրմիա լճի հյուսիս-արևմտյան հատվածը:
- 2) Վանի թագավորությունը ընդունեց Ասորեստանի գերիշխանությունը:
- 3) Կասեցվեց Ուրարտուի կողմից Ասորեստանի լիակատար շրջափակումը:
- 4) Արդիինի–Մուսասիրում թալանվեց Խալդիի գլխավոր տաճարը:

22

450 թվականին Խաղխադի ճակատամարտը ավարտվեց՝

- 1) հոների պարտությամբ:
- 2) աղվանների պարտությամբ:
- 3) պարսիկների հաղթանակով:
- 4) հայերի հաղթանակով:

23

V դարում տեղի ունեցած իրադարձությունները դասավորե՛ք ժամանակագրական հաջորդականությամբ:

- ա. Դենշապուհի անցկացրած աշխարհագիրն Արևելյան Հայաստանում:
- բ. Սահակ Պարթևի վախճանը:
- գ. Արտաշատի եկեղեցական ժողովի գումարումը Հովսեփ կաթողիկոսի գլխավորությամբ:
- դ. Հազկերտ II-ի գահակալության ավարտը:
- ե. Մեսրոպ Մաշտոցի վախճանը:
- զ. Վարդան Մամիկոնյանի, Վասակ Սյունու և մի շարք այլ նախարարների ժամանումը Տիգրոն:

- 1) բ, ե, ա, գ, զ, դ
- 2) ե, բ, դ, գ, զ, ա
- 3) գ, բ, ե, ա, զ, դ
- 4) ա, ե, բ, գ, դ, զ

24

Իրադարձությունները դասավորե՛ք ժամանակագրական հաջորդականությամբ:

- ա. Նախագահական հանրապետության կառավարման մոդելի ավարտը ՀՀ-ում:
- բ. Հայոց համազգային շարժում կուսակցության ստեղծումը:
- գ. Հայաստանի անկախության հանրաքվեի անցկացումը:
- դ. Գետաշենի պաշտպանությունը:
- ե. Հենրիխ Պողոսյանի ընտրվելը ԼՂԻՄ մարզկոմի առաջին քարտուղար:
- զ. ՀԽՍՀ Գերագույն խորհրդի կողմից ԼՂԻՄ մարզկոմի փետրվարի 20-ի որոշման ընդունումը:

- 1) գ, ե, բ, դ, գ, ա
- 2) բ, դ, ե, ա, գ, գ
- 3) ե, գ, բ, դ, գ, ա
- 4) դ, գ, ե, գ, ա, բ

25

Վարդանանց ապստամբության ժամանակ ստեղծված կառավարության նախարարի անունը համապատասխանեցրե՛ք զբաղեցրած պաշտոնին:

Անուն

- 1) Վարդան Մամիկոնյան
- 2) Վասակ Սյունի
- 3) Խորեն Խորխոռունի
- 4) Հովսեփ Վայոցձորցի

Պաշտոն

- ա. մաղխագ
- բ. սպարապետ
- գ. մեծ դատավոր
- դ. հայր մարդպետ
- ե. մարզպան

- 1) 1-ե, 2-գ, 3-բ, 4-ա
- 2) 1-ա, 2-գ, 3-դ, 4-բ
- 3) 1-բ, 2-ա, 3-ե, 4-գ
- 4) 1-բ, 2-ե, 3-ա, 4-գ

26

Հունահռոմեական պատմիչի անունը համապատասխանեցրե՛ք Հայաստանի և հայերի մասին արած նրա վկայությունը:

Պատմիչ

- ա. Տակիտոս
- բ. Պոլիբիոս
- գ. Քսենոփոն
- դ. Ստրաբոն

Վկայություն

1. «Հայաստանն աճել է Արտաշեսի ջանքերով, և ուստի այստեղ բոլորը միալեզու են»:
2. «...գարուց պատրաստված գինի, որի երեսին լողում էին գարու հատիկներ»:
3. «Արտաշատ քաղաքում հայոց մեծամեծների հավանությամբ և շուրջը հավաքված բազմության ներկայությամբ նրա գլխին դրվեց թագավորական զարդանշանը»:
4. «Կառուցվեց մեծ և շատ գեղեցիկ քաղաք, որին թագավորը տվեց իր անունը և այն հռչակեց Հայաստանի քաղաքամայր»:
5. «Արմենիայի մեծագույն մասի տիրակալ»:

- 1) ա-3, բ-5, գ-2, դ-1
- 2) ա-2, բ-5, գ-4, դ-3
- 3) ա-4, բ-3, գ-2, դ-5
- 4) ա-1, բ-4, գ-5, դ-3

27

Թեոդորոս Ռշտունու կառավարման շրջանին վերաբերող հետևյալ պնդումներից ո՞րն է ճիշտ:

- 1) Հայոց իշխանը վարել է բյուզանդամետ քաղաքականություն կառավարման ողջ ընթացքում:
- 2) Հայոց իշխանի նստավայրը Դվին քաղաքն էր, որտեղից իրականացվում էր երկրի պաշտպանությունը:
- 3) Հայոց գորքը Արծափ ամրոցում պարտության է մատնել պարսկական գորքին:
- 4) Հայոց իշխանը վերամիավորել է Հայաստանի արևելյան և արևմտյան մասերը:

28

Հետևյալ պնդումներից ո՞րն է սխալ:

- 1) Հայոց համազգային շարժում կուսակցությունը վերջ է դրել կոմունիստական մենատիրությանը:
- 2) 1987 թվականի նոյեմբերին Մոսկվա է ուղարկվել Լեոնային Ղարաբաղը Հայաստանին վերամիավորելու արցախցիների պահանջագիրը:
- 3) Հայաստանի կոմկուսի կենտկոմի լիազումար նիստի որոշմամբ առաջին քարտուղար Սուրեն Թովմասյանին փոխարինել է Կարեն Դեմիրճյանը:
- 4) 1988 թ. փետրվարի 21-ի ԽՍՀՄ կենտկոմի՝ «Լեոնային Ղարաբաղի իրադարձությունների մասին» որոշումով հայության շարժումը որակվել է «ծայրահեղական»:

29

Հայաստանում Արաբական խալիֆայության տիրապետության շրջանին վերաբերող հետևյալ պնդումներից ո՞րն է ճիշտ:

- 1) Հայոց իշխանի և Հայոց սպարապետի պաշտոններն որպես կանոն զբաղեցրել են Պահլավունիները:
- 2) 703 թվականի հակաարաբական ապստամբությունը գլխավորել է Աշոտ Բագրատունին:
- 3) 748-750 թթ. հակաարաբական ապստամբության կազմակերպիչներից Դավիթ Մամիկոնյանը սպանվել է խալիֆի հրամանով:
- 4) Հերթ ոստիկանի անցկացրած աշխարհագրով հոգևորականությունը ազատվել է հարկ վճարելուց:

30

Հետևյալ պնդումներից ո՞րն է ճիշտ:

- 1) 1066 թվականին ամենայն Հայոց եկեղեցու կաթողիկոսական աթոռը հաստատվել է Քեսունում:
- 2) Ռուբենը 1080 թվականին Դաշտային Կիլիկիայում հիմնել է հայկական իշխանություն:
- 3) Ռուբինյան իշխաններից Կոստանդինին խաչակիրները շնորհել են սերաստոս տիտղոսը:
- 4) Կիլիկիայի իշխանության և թագավորության գոյության ընթացքում ազատ հիմունքներով գործել են առաքելական, ուղղափառ, կաթոլիկ ու ասորի Հակոբիկ եկեղեցիները:

31

Հայկական պահանջատիրությանը վերաբերող հետևյալ պնդումներից ո՞րն է ճիշտ:

- 1) Ամենայն Հայոց կաթողիկոս Գևորգ Չորեքյանի մասնակցությամբ 1965 թվականի ապրիլի 24-ին տեղի է ունեցել սգո կառավարական նիստ Օպերայի և Բալետի թատրոնի շենքում:
- 2) Մինչև 1965 թվականը ԽՍՀՄ-ում արգելված է եղել Հայոց ցեղասպանության մասին խոսելն ու գրելը:
- 3) 1965 թվականի ապրիլի 24-ին ԽՄԿԿ Կենտկոմը հաստատել է «Հայերի կոտորածի 50-ամյակի նախապատրաստման հետ կապված միջոցառումների» ծրագիրը:
- 4) Հայոց ցեղասպանության ճանաչման և դատապարտման միջազգային գործընթացը սկսվել է 1965 թվականին՝ Ֆրանսիայից:

32

Հայ վրիժառուներից ո՞վ է ասել հետևյալ միտքը.

«...հայ անհատի պատերազմը թուրքին դեմ»:

- 1) Սողոմոն Թեհլիրյան
- 2) Արշավիր Շիրակյան
- 3) Գևորգ Աճեմյան
- 4) Գուրգեն Յանիկյան

33

Վանի թագավորության արքաներից ո՞ւմ մասին է Ասորեստանի գորքերի հրամանատարը արել հետևյալ խոստովանությունը.

«...անունն անգամ ահարկու է որպես ծանր հողմ, նրա ուժերը մեծաքանակ են»:

- 1) Արգիշտի I
- 2) Սարդուրի II
- 3) Արգիշտի II
- 4) Սարդուրի I

34

Ե՞րբ է Հենրիխ Պողոսյանը ԽՍՀՄ Գերագույն խորհրդի նախագահության նիստում ասել հետևյալ խոսքերը:

«...Լեոնային Ղարաբաղի ճակատագիրը կարող են լուծել միայն Լեոնային Ղարաբաղի բնակիչները...»:

- 1) 1989 թ. հունվարի 11
- 2) 1989 թ. մայիսի 25
- 3) 1988 թ. հուլիսի 18
- 4) 1988 թ. հունիսի 15

35

Ընտրե՛ք տերմինների ճիշտ բացատրությունները:

- 1) Հայաստանում հորից որդուն ժառանգաբար անցնող խոշոր մասնավոր հողատեսակը կոչվում էր գանձագին:
- 2) Միջնադարում եկեղեցուն վճարվող հարկատեսակը կոչվում էր տասանորդ:
- 3) Թագավորի կողմից ծառայության դիմաց որպես շնորհում ստացված հողային տիրույթը կոչվում էր պարզևականք:
- 4) Գահնամակը միջնադարյան փաստաթուղթ էր, որով սահմանվում էր պատերազմի ժամանակ յուրաքանչյուր նախարարի տրամադրած գորքի քանակը:
- 5) Վաղ միջնադարում ազնվականության մասնատիրական տնտեսությունը կոչվում էր նորք:

36

Տերմինների կամ հասկացությունների տրված բացատրություններից որո՞նք են սխալ:

- 1) Խորհրդային պատմության մեջ Նիկիտա Խրուշչովի վարած քաղաքականությունը կոչվում էր «լճացում»:
- 2) Կոլեկտիվացումը թեթև արդյունաբերական ձեռնարկությունների միավորումն էր խոշոր տնտեսությունների մեջ:
- 3) 1920-ական թթ. սկզբին խորհրդային իշխանությունների զանգվածային բռնագրավումների և դրանց ընթացքում թույլ տրված չարաշահումների քաղաքականությունը կոչվում էր «ռազմական կոմունիզմ»:
- 4) Խորհրդային միությունում ունևոր գյուղացուն անվանում էին «կուլակ»:
- 5) «Կուսակցական զգոնությունը» քաղաքական բռնաճնշումների տարիներին կուսակից ընկերների նկատմամբ անհիմն ու սուտ տեղեկությունների տարածումն էր, վարկաբեկումը, մատնությունը:

37

Որո՞նք են 1937-1938 թվականների հայրենադարձության դադարեցման գլխավոր պատճառները:

- 1) Սառը պատերազմի իրողությունը:
- 2) Միջազգային նախապատերազմյան լարված իրավիճակը:
- 3) ԽՍՀՄ-ում Հայ դատի համար պայքարի անհնարինությունը:
- 4) Անհատի պաշտամունքի դրսևորումները:
- 5) ԽՍՀՄ-ի Թուրքիայից տարածքային պահանջներ չունենալու հայտարարությունը:

38

Գտնել ճիշտ պատասխանները.

Սեպտիմիոս Սևերոսի և Վաղարշ II-ի միջև կնքված պայմանագրի արդյունքում՝

- 1) կայսրը պարտավորվեց գումար վճարել Կովկասյան լեռնանցքների և մերձակա տարածքների պաշտպանությունը իրականացնող Հայոց այրուձիին:
- 2) Հայաստանը դարձավ «Հռոմեական ժողովրդի դաշնակից և բարեկամ»:
- 3) Հռոմը օժանդակեց Հայաստանին Մասանյանների դեմ պայքարում:
- 4) կայսրը ճանաչեց Հայոց արքայի իրավունքները Հյուսիսային Միջագետքում:
- 5) հռոմեական լեգեոնները դուրս բերվեցին Հայաստանից:

39

Արտաշես I-ի կառավարման շրջանին վերաբերող հետևյալ պնդումներից որո՞նք են ճիշտ:

- 1) Արտաշես I-ը արշավել է Կասպեից երկիր և Մեծ Հայքին միավորել հայկական Գուգարք նահանգը:
- 2) Արտաշես I-ը ընդարձակել է Փոքր Հայքի տարածքը ի հաշիվ Պոնտոսի:
- 3) Արտաշես I-ը նորակառույց մայրաքաղաքը բնակեցնելու համար այստեղ է տեղափոխել Երվանդաշատի, Արմավիրի, Տիգրանակերտի բնակչությանը:
- 4) Մովսես Խորենացու հաղորդմամբ Արտաշես I-ը հարավային կողմի գործի իշխանությունը վստահել է իր գորավար Սմբատին:
- 5) ՀՀ տարածքում հայտնաբերվել է Արտաշես I-ի թողած 20 պահլավերեն սահմանաքար:

40

Խորհրդային Հայաստանի պատմությանը վերաբերող հետևյալ պնդումներից որո՞նք են սխալ:

- 1) Մեծամորի հայկական ատոմակայանը գործարկվել է 1976 թվականին:
- 2) Առաջին հնգամյակի վերջին գյուղացիության կոլեկտիվացման գործընթացը ավարտվել է Հայաստանում:
- 3) 1960-1970-ական թվականներին Հայաստանում կառուցվել են Աբովյան, Չարենցավան, Քաջարան, Ջերմուկ քաղաքները:
- 4) 1950-ական թվականներին կառուցվել են Արզնի-Շամիրամ, Թալինի, Կոտայքի ջրանցքները:
- 5) Գյուղատնտեսության կոլեկտիվացման կուրսը ընդունվել է 1925 թվականի դեկտեմբերին հրավիրված ՀամԿ(Բ)Կ 17-րդ համագումարում:

41 Գտե՛ք այն իրադարձությունը, որը խախտում է տրված շարքի ժամանակագրական հաջորդականությունը:

- 1) Բագրատունյաց թագավորության հռչակումը Հայաստանում:
- 2) Վասպուրականի թագավորության առաջացումը:
- 3) Տաշիր-Ձորագետի թագավորության առաջացումը:
- 4) Սյունիքի թագավորության առաջացումը:
- 5) Վանանդի թագավորության առաջացումը:

42 Իրադարձությունները դասավորե՛ք ժամանակագրական հաջորդականությամբ:

- 1) «Ազգային միացյալ կուսակցություն» գաղտնի կազմակերպության ստեղծումը:
- 2) Անդրանիկ Մարգարյանի դատապարտումը որպես հակախորհրդային գործիչ:
- 3) Ստալինի պաշտամունքի քննադատությունը ԽՍՀՄ XX համագումարում:
- 4) Ազգային միացյալ կուսակցության ղեկավար մարմնի՝ խորհրդի ստեղծումը:
- 5) Յակով Ջարոբյանի դառնալը Կոմկուսի կենտկոմի առաջին քարտուղար:

43 Հռոմեա-պարթևական տասնամյա պատերազմի ժամանակ տեղի ունեցած իրադարձությունները համապատասխանեցրե՛ք տարեթվերին:

Իրադարձություն

Տարեթիվ

- | | |
|--|--------------|
| ա. Տիգրան VI-ի բարձրանալը Հայոց գահին | 1) 64 թվական |
| բ. Պետոս զորավարի մուտքը Հայաստան | 2) 61 թվական |
| գ. Հռոմեա-պարթևական տասնամյա պատերազմի սկիզբը | 3) 60 թվական |
| դ. Տրդատի և 3000 հեծյալների ուղևորությունը Հռոմ | 4) 65 թվական |
| ե. Կորբուլոնի և պարթև Արշակունիների բանակցությունները խաղաղության պայմանագրի շուրջ | 5) 54 թվական |
| | 6) 62 թվական |

ա	բ	գ	դ	ե

44

Հեղինակի անունը համապատասխանեցրե՛ք ստեղծագործության անվանը:

Ստեղծագործություն

Հեղինակ

- ա. «Ալմաստ» օպերա
- բ. «Անուշ» օպերա
- գ. «Սպարտակ» բալետ
- դ. «Նամուս» վեպ
- ե. «Պեպո» պիես

- 1) Արամ Խաչատրյան
- 2) Ալեքսանդր Սպենդիարյան
- 3) Ալեքսանդր Շիրվանզադե
- 4) Տիգրան Չուխաճյան
- 5) Արմեն Տիգրանյան
- 6) Գաբրիել Սունդուկյան

ա	բ	գ	դ	ե

45

Ստորև տրված պնդումներից յուրաքանչյուրի համար ընտրե՛ք «ճիշտ է, «սխալ է», «չգիտեմ» պատասխաններից որևէ մեկը:

- 1) Ք. ա. VII դարում Հայկական լեռնաշխարհի հարավ-արևմուտքում վերականգնված Հայկագունների ավագ ճյուղի իշխանությունը համապատասխանում է սեպագիր աղբյուրներում հիշատակվող Արմե-Շուբրիա պետական կազմավորմանը:
- 2) Մովսես Խորենացու հաղորդմամբ Պարույր Սկայորդին միավորել է Ուրմիա լճից մինչև Եփրատ ընկած ողջ տարածքը:
- 3) Տիգրան I Երվանդյանի իշխանությունը բուն Հայաստանից բացի տարածվել է Կապադովկիայի, Վրաստանի, Ադվանքի վրա:
- 4) Տիգրան I Երվանդյանի մահից հետո՝ Ք. ա. 525 թվականին, Հայաստանը ճանաչել է Աքեմենյանների գերիշխանությունը:
- 5) Մեզ հասած հայկական առաջին արքայական դրամները հատել է Երվանդ II-ը:
- 6) Ստրաբոնի հաղորդմամբ հայերը խեղդամահ են արել Ալեքսանդրի զորավարներից Մենոնին:

Ընտրե՛ք տերմինների կամ հասկացությունների ճիշտ բացատրությունները:

- ա. Բեհիսթունյան եռալեզու արձանագրության բաբելներեն մասում
Հայաստանը անվանվում է Ուրարտու:
- բ. Տուշպա քաղաքում Ռուսա I-ի կառուցած 25 կմ երկարությամբ ջրանցքը
կոչվում էր «Ռուսայի ծով»:
- գ. Աքեմենյան տիրապետության օրոք Հայաստանի կառավարիչը կոչվում էր
ստրատեգոս:
- դ. Արգիշտի I-ի գորքերը շարունակել են հաղթարշավը դեպի Ալիշտու, այսինքն՝
Ալաշկերտի հովիտ:
- ե. Ուրարտական տաճարային տեսակներից մեկը կոչվում էր «Աստծո դարպաս»:
- զ. Վանի համահայկական թագավորության մեջ արքային կից գործող ավագների
խորհրդի անդամները կոչվում էին փոխարքաներ:
- է. Վանի թագավորությունը բաժանված էր խոշոր վարչական միավորների,
որոնց անվանում էին նահանգներ:
- ը. Վանի թագավորությունը Աստվածաշնչում անվանվում է «Արարատյան
թագավորություն»:

- 1) բ, գ, ը
- 2) դ, ե, է
- 3) գ, դ, զ
- 4) ա, ե, ը

Տերմինները համապատասխանեցրե՛ք իրենց բովանդակությանը:

Տերմին

Բացատրություն

- | | |
|-------------------------|--|
| 1) գունդստաբլ | ա. թագաժառանգի խնամակալ կիլիկյան
արքունիքում |
| 2) պայլ | բ. բանակի ընդհանուր հրամանատար Կիլիկիայում |
| 3) մարզպանական
գունդ | գ. մանրավաճառ առևտրական |
| 4) այրուձի | դ. քաղաքի կառավարիչ |
| 5) աթաբեկ | ե. իշխաններին ենթակա զորք |
| 6) գութան | զ. հեծյալ |
| 7) փերեզակ | է. հողի մշակման մեջ կիրառվող ծանր
երկրագործական տեխնիկա |
| | ը. թագաժառանգի խնամակալ վրացական
արքունիքում |

- 1) 1-ը, 2-ա, 3-բ, 4-գ, 5-դ, 6-է, 7-զ
- 2) 1-ա, 2-դ, 3-է, 4-բ, 5-ը, 6-գ, 7-զ
- 3) 1-ը, 2-ա, 3-է, 4-գ, 5-է, 6-բ, 7-դ
- 4) 1-բ, 2-ա, 3-է, 4-գ, 5-ը, 6-է, 7-զ

Ստորև տրված պատմական իրադարձությունների պատճառներից և հետևանքներից որո՞նք են ճիշտ:

- ա. Խառանի ճակատամարտի հետևանքով թուլացան Հռոմի դիրքերը Արևելքում:
- բ. Ապամեայի պայմանագրով Հռոմը հոգուտ սելևկյանների հրաժարվեց Փոքր Ասիայից:
- գ. Հռոմի Օերակույտին ուղարկված պաշտոնական զեկուցագրում պարթևական արշավանքի ձախողումն Անտոնինոսը բացատրել է Հայոց թագավոր Արտավազդ II-ի դավաճանությամբ:
- դ. Արտաշես I-ի կողմից անցկացված հողային բարեփոխման հետևանքով վերացվեցին ավագանու հողատիրական իրավունքները:
- ե. Տիգրան Մեծի նվաճումների հետևանքով Սելևկյան Ասորիքն ու Պարթևստանը տարածաշրջանում իրենց դիրքերը զիջեցին Հայաստանին:
- զ. Հռոմի դիրքերն Արևելքում թուլացնելու համար Արտաշես I-ը օժանդակեց Տիմարքոսի ապստամբությունը:
- է. Հայաստանը պարթևների արշավանքից և ավերածությունից զերծ պահելու նպատակով Արտաշես II-ը ռազմական դաշինք կնքեց Հրահատ IV-ի հետ:

- 1) ա, գ, է
- 2) բ, գ, զ
- 3) բ, դ, է
- 4) ե, գ, է

Տրվածներից որո՞նք են արդյունաբերացման քաղաքականության հետևանքներ Խորհրդային Հայաստանում:

- ա. Կառուցվեց ինժինեռատեխնիկական բարդ կառուցվածքով և ճնշումային հզորությամբ ԽՍՀՄ առաջին հէկը Երևանում:
- բ. Պլանավորված տնտեսավարման շնորհիվ Գյումրին դարձավ ծանր արդյունաբերության կենտրոն:
- գ. Հնգամյա պլանների արդյունքում Խորհրդային Հայաստանը դարձավ արդյունաբերության, խոշոր կոլտնտեսությունների, մշակույթի առաջավոր երկիր:
- դ. 1926-1929 թթ. ֆաբրիկա-գործարանային ուսումնարաններ բացվեցին Նոր Բայազետում, Վանաձորում, Արարատում:
- ե. Մանր արդյունաբերության համախառն արտադրանքն աճեց 3, իսկ խոշոր արդյունաբերությունը՝ 4,5 անգամ:
- զ. 1927 թվականին շահագործման հանձնվեց Երևանի կարբիտի գործարանը:
- է. Երկրորդ հնգամյակում Հայաստանում կառուցվեց 36 արդյունաբերական ձեռնարկություն:

- 1) ա, գ, է
- 2) բ, դ, է
- 3) գ, է, զ
- 4) դ, գ, է

50

Տրված իրադարձություններից ո՞րն է տեղի ունեցել չորրորդը:

- ա. Դվինի ազատագրումը թյուրք-սելջուկներից:
 - բ. Վրացական գործի կողմից Անիի առաջին գրավումը Շադադյաններից:
 - գ. Չարմաղանի գլխավորությամբ մոնղոլական գլխավոր արշավանքը Հայաստան:
 - դ. Տաշիր-Ձորագետի թագավորության անկումը:
 - ե. Սարգիս Զաքարյանի՝ սպարապետի պաշտոնի ստանձնումը վրաց արքունիքում:
 - զ. Չմանկատուկի ճակատամարտը:
 - է. Դավիթ Շինարարի գահակալման սկիզբը:
- 1) ա
 - 2) գ
 - 3) ե
 - 4) է

51

1980-1990-ական թվականներին տեղի ունեցած իրադարձություններից ո՞րն է տեղի ունեցել հինգերորդը:

- ա. «Ղարաբաղ» կոմիտեի ստեղծումը:
 - բ. Ռոբերտ Քոչարյանի առաջին անգամ ընտրվելը ՀՀ նախագահ:
 - գ. Կոմունիստական միակուսակցական համակարգի ավարտը Հայաստանում:
 - դ. «Օղակ» ռազմական գործողության իրագործումը:
 - ե. Բաքվի հայության կոտորածը:
 - զ. Սումգաիթյան ոճրագործությունը:
 - է. Սուրեն Հարությունյանի ընտրվելը ՀՀԿ կենտկոմի առաջին քարտուղար:
- 1) գ
 - 2) ե
 - 3) դ
 - 4) բ

52

Իրադարձությունները դասավորե՛ք ժամանակագրական հաջորդականությամբ:

- ա. Չորրորդ հնգամյա պլանի սկիզբը:
 - բ. Քանաքեռի ալյումինի գործարանի առաջին հերթի գործարկումը:
 - գ. Վեցերորդ հնգամյա պլանի ավարտը:
 - դ. ԽՄԿԿ 21-րդ համագումարը:
 - ե. Երկրորդ հնգամյա պլանի մեկնարկը:
 - զ. Լենինականի հէկի կառուցման ավարտը:
 - է. ՀամԿ(բ)Կ 14-րդ համագումարը:
- 1) է, գ, ե, ա, բ, դ, զ
 - 2) ե, ա, է, գ, բ, գ, դ
 - 3) գ, է, ե, ա, բ, դ, գ
 - 4) ա, ե, գ, է, գ, բ, դ

53

Կատարե՛ք համապատասխանեցում:

- ա. Հովհաննես Չյոմուրճյան
- բ. Մովսես Բաղրամյան
- գ. Գևորգ Ե Սուրենյանց
- դ. Արամ Մանուկյան
- ե. Իսրայել Օրի
- զ. Նիկոլ Աղբալյան
- է. Ներսես Գ Տայեցի

1. Զվարթնոցի տաճարի կառուցման պատվիրատու
2. Ռուսական կողմնորոշման հիմնադիր
3. Վանի 1915 թ. ինքնապաշտպանության ղեկավար
4. Հայոց կաթողիկոս Սարդարապատի հերոսամարտի օրերին
5. Առաջին հանրապետության կրթության նախարար
6. Մադրասի խմբակի անդամ
7. Պահպանողական ուղղության ներկայացուցիչ
8. Առաջին հանրապետության վարչապետ

- 1) ա-3, բ-5, գ-1, դ-6, ե-2, զ-8, է-4
- 2) ա-7, բ-5, գ-4, դ-3, ե-8, զ-2, է-1
- 3) ա-7, բ-6, գ-4, դ-3, ե-2, զ-5, է-1
- 4) ա-3, բ-5, գ-1, դ-6, ե-2, զ-8, է-4

54

«Ղարաբաղ» կոմիտեի վերաբերյալ ստորև տրված պնդումներից որո՞նք են ճիշտ:

- ա. «Ղարաբաղ» կոմիտեի հիմնադիր անդամներն էին Աշոտ Մանուչարյանը, Համբարձում Գալստյանը, Վազգեն Սարգսյանը:
- բ. 1988 թվականի մայիսի 31-ին «Ղարաբաղ» կոմիտեն վերանվանվել է «Ղարաբաղյան շարժման Հայաստանի կոմիտե»:
- գ. Ղարաբաղյան շարժման Հայաստանի կոմիտեն վերակազմավորվել է «Հայ ազգային միություն» շարժման:
- դ. Հայոց համազգային շարժման նպատակներից մեկը Լեռնային Ղարաբաղի միացումն էր Հայաստանին:
- ե. 1988 թվականի օգոստոսի 19-ին հրապարակված «Ղարաբաղ» կոմիտեի պայքարի ծրագիրը դարձել է Հայոց համազգային շարժման առաջին համագումարում ընդունված ծրագրի հիմք:
- զ. «Ղարաբաղ» կոմիտեի ղեկավար Ռոբերտ Քոչարյանն ընտրվել է Հայաստանի Հանրապետության երկրորդ նախագահ:
- է. 1988 թվականի մայիսի 31-ին «Ղարաբաղ» կոմիտեին անդամակցել են Իգոր Մուրադյանը, Վաչե Մարուխանյանը:

- 1) ա, բ, է
- 2) բ, դ, է
- 3) գ, ե, զ
- 4) դ, ե, է

Հետևյալ պնդումներից որո՞նք են ճիշտ:

- ա. Գիտությունների ակադեմիայի հիմադիր ժողովում Վիկտոր Համբարձումյանը ընտրվել է ՀՍԽՀ ԳԱ նախագահ:
- բ. 1928 թվականին ԵՊՀ-ին կից բացվել է ասպիրանտուրա, որը տվել է գիտական կադրեր պատրաստելու հնարավորություն:
- գ. ԽՍՀՄ ԳԱ Հայկական մասնաճյուղը հիմնադրվել է 1938 թվականին:
- դ. Աբրահամ Ալիխանյանը առաջ է քաշել մութ միջավայրում լույսի սփռման նոր տեսություն, որը գործնական կիրառում է ստացել ռազմական գործում:
- ե. Հայրենական մեծ պատերազմի տարիներին Երկրաբանության ինստիտուտում քարտեզագրվել է Անդրկովկասի և Հայաստանի տեղանքը:
- զ. 1941 թվականին ԽՍՀՄ ԳԱ Հայկական մասնաճյուղում գործել են 14 գիտահետազոտական հիմնարկներ:
- է. ԽՍՀՄ ԳԱ Հայկական մասնաճյուղի առաջին նախագահը եղել է բնագետ-երկրաբան Լևինտոն-Լեսսինգը:
- 1) ա, բ, գ
 - 2) բ, ե, է
 - 3) ե, գ, է
 - 4) բ, գ, զ

Մեծ Հայքի Արշակունի արքաների կառավարման շրջանին վերաբերող հետևյալ պնդումներից որո՞նք են ճիշտ:

- ա. Վաղարշ II թագավորը կարողացել է պահպանել չեզոքություն Հռոմեական կայսրությունում ընթացող գահակալական կռիվների նկատմամբ:
- բ. Տրդատ I-ի կառավարման օրոք՝ 76 թվականին, Կովկասից Մեծ Հայքի թագավորություն են ներխուժել ավանները:
- գ. Սանատրուկ Արշակունին Արածանի գետի ափին՝ Մշո դաշտում, կառուցել է Մծուրք քաղաքը:
- դ. Վաղարշ II-ը Արարատյան դաշտում Շրեշ բլրի վրա տարածվող Վարդգեսավան գյուղաքաղաքը հռչակել է Արշակունյաց թագավորության երկրորդ մայրաքաղաքի:
- ե. Հայոց արքա Սանատրուկը մահացել է 110 թվականին և թաղվել Բարձր Հայք նահանգի Դարանաղի գավառի Անի բերդում:
- զ. Վաղարշապատում Հայոց զորքի և նախարարների ներկայությամբ Տրդատ III Մեծը Վրթանես Ա Պարթևին կարգել է քահանայապետ:
- է. Պարթևները Բակուր Արշակունու Հայոց գահին բարձրանալը համարել են Հռանդեայի պայմանագրի խախտում և գահընկեց են արել նրան:
- 1) ա, գ, ե
 - 2) բ, դ, զ
 - 3) ե, գ, է
 - 4) գ, դ, է

Խորհրդային Հայաստանի գիտության և մշակույթի մեջ մեծ ներդրում ունեցած հայ մտավորականին համապատասխանեցրե՛ք իր մասնագիտությանը:

Գիտնական

Մասնագիտություն

- ա. Աշոտ Հովհաննիսյան
- բ. Վահրամ Փափազյան
- գ. Փանոս Թերլեմեզյան
- դ. Ստեփան Ղամբարյան
- ե. Արտեմ Ալիխանյան
- զ. Հրաչյա Աճառյան
- է. Հովսեփ Տեր-Աստվածատրյան
- ը. Հովհաննես Բաղայան

- 1) լեզվաբան
- 2) երգիչ
- 3) պատմաբան
- 4) էներգետիկ
- 5) երկրաբան
- 6) դերասան
- 7) քիմիկոս
- 8) նկարիչ
- 9) ֆիզիկոս

- 1) ա-1, բ-6, գ-3, դ-7, ե-5, զ-8, է-9, ը-2
- 2) ա-9, բ-3, գ-8, դ-7, ե-5, զ-2, է-4, ը-6
- 3) ա-7, բ-8, գ-3, դ-9, ե-5, զ-1, է-2, ը-6
- 4) ա-3, բ-6, գ-8, դ-7, ե-9, զ-1, է-4, ը-2

Տերմինների տրված բացատրություններից որո՞նք են ճիշտ:

- 1) Բազրատունյաց Հայաստանի արքունիքում օտար երկրների թագավորների հետ բանակցող պաշտոնյային անվանում էին իշխանաց իշխան:
- 2) Արշակունյաց շառավիղներից ձևավորված ազնվական խավը կոչվում էր տերունի:
- 3) Աշխարհաժողովը Հայոց թագավորի և նախարարների համատեղ ժողովն էր, որը սահմանում էր երկրի համար առավել կարևոր խնդիրները:
- 4) Մեծ Հայքի Արշակունյաց արքունիքում պալատական արարողությունների և դեսպանների ընդունելության համար պատասխանատու գործակալին անվանում էին թագադիր ասպետ:
- 5) Մեծ Հայքի Արշակունյաց թագավորությունում հազարապետություն գործակալությունը տնտեսական-հարկային վարչություն էր, որը տնօրինում էր նաև պետական պարհակների կատարումը:
- 6) Արշակունյաց արքունիքում կալվածքների և գանձարանի համար պատասխանատու գործակալին անվանում էին տանուտեր:
- 7) Մեծ Հայքի Արշակունյաց թագավորությունում արքունի և թագավորական պահակագործի հրամանատարին անվանում էին մաղխագ:
- 8) Արշակունյաց արքունիքում սահմանապահ զորավարության կուսակալին անվանում էին բդեշխ:

Հասկացությունների տրված բացատրություններից որո՞նք են ճիշտ:

- 1) «Ազգային միացյալ կուսակցություն» գաղտնի կազմակերպության հրապարակած թերթը կոչվում էր «Փարոս»:
- 2) Հայաստանի օգնության կոմիտեն 1906 թվականին Հովհաննես Թումանյանի կողմից հիմնադրված բարեգործական միություն է:
- 3) ԱՍԱԼԱ-ն Սփյուռքում ձևավորված Հայաստանի ազատագրության հայկական գաղտնի բանակն էր:
- 4) Հայկական ցեղասպանության արդարության մարտիկները սփյուռքահայ կազմակերպություն էր, որի պայքարն ուղղված էր թուրք պաշտոնատար անձանց դեմ:
- 5) 1925 թվականին Էջմիածնի մատենադարանի և թանգարանի հիմքի վրա ստեղծված գիտահետազոտական կենտրոնը կոչվում էր Գիտության և արվեստի ինստիտուտ:
- 6) Հայկական բարեգործական ընդհանուր միությունը ամերիկահայերի հիմնադրած հայրենակցական միություն է, որի պայքարը ուղղված է Հայ դատին:
- 7) Այլախոհական շարժումը Հայաստանում սկզբնավորած խումբը կոչվում էր «Հայ երիտասարդական միություն»:

Տրվածներից որո՞նք են հանդիսացել Հայաստանում Բազրատունյաց թագավորության հռչակման նախադրյալներ:

- 1) Տնտեսապես և ռազմապես զորեղացած հայ նախարարների անկախության ձգտումը:
- 2) Բյուզանդիայի հետ դավանաբանական միությունը, որը թույլ էր տալիս ռազմական օգնություն ստանալ կայսրությունից:
- 3) Կենտրոնական իշխանության դիրքերի խարխլումը Արաբական խալիֆայությունում:
- 4) Արևմտաեվրոպական քրիստոնեական երկրների և Հայոց եկեղեցու միջև ձեռք բերված փոխօգնության համաձայնագիրը:
- 5) Հայ ժողովրդի միասնական կամքը անկախության վերականգնման գաղափարի շուրջ:
- 6) Ատրպատականի ամիրա Բաբեկի ցուցաբերած ռազմական օգնությունը:
- 7) Բյուզանդիայի աջակցությունը խալիֆայության կենտրոնախույս ուժերին:

61

Ինչպիսի՞ տնտեսական, մշակութային, քաղաքական հետևանքներ է ունեցել Արշակունիների գահակալության շրջանը Մեծ Հայքում:

- 1) Դրվեց հայ մատենագրության ստեղծման հիմքերը:
- 2) Հայոց մայրաքաղաք հռչակվեց Վաղարշապատը:
- 3) Կառուցվեց Արուճի Սբ Գրիգոր եկեղեցին:
- 4) Լայն տարածվեց հողի մշակման եռադաշտային համակարգը:
- 5) Կառուցվեց Մայր տաճար Սբ Էջմիածինը:
- 6) Մեծ Հայքի թագավորությունը բաժանվեց Սասանյան Պարսկաստանի և Հռոմեական կայսրության միջև:
- 7) Տայքը միացվեց Հռոմեական կայսրությանը:

62

Հետևյալ պնդումներից որո՞նք են ճիշտ:

- 1) Մադրասի խմբակի անդամները առաջ են քաշել միապետական կառավարման համակարգի գաղափարը:
- 2) Ռուսաստանի օգնությամբ Հայաստանի ազատագրության ծրագիրը հայ իրականության մեջ ձևավորվել է XVIII դարի սկզբին:
- 3) Վաղ միջնադարում պետության գլխավոր հարկատուն և հիմնական արտադրող տնտեսությունները եղել են գյուղական համայնքները:
- 4) Մեսրոպյան նշանագրերի գյուտին հաջորդել է համաշխարհային գրական և գիտական երկերի թարգմանությունները:
- 5) Միքայել Նալբանդյանը, Ստեփանոս Նազարյանը, Գրիգոր Արծրունին պահպանողական գաղափարախոսության հիմնադիրներն են արևմտահայ իրականության մեջ:
- 6) 1918 թվականի մայիսի 15-ին Ալեքսանդրապոլում հայկական զորքը ծանր պարտության է մատնել թուրքական բանակին:
- 7) Այլակրոն միջավայրի շնորհիվ հայերի ուժացման վտանգը մերձավորարևելյան երկրներում ավելի թույլ է արտահայտված եղել՝ ամերիկյան և եվրոպական երկրների համեմատ:

63

Հետևյալ պնդումներից որո՞նք են սխալ:

- 1) 1923 թվականին ԽՍՀՄ-ում անցկացված առաջին մարդահամարով վեր է հանվել քաղաքային բնակչության զբաղվածության պատկերը:
- 2) 1930-ական թթ. կեսերին Պիատրովսկու ղեկավարությամբ հնագիտական պեղումներ են սկսվել Ամբերդ ամրոցում:
- 3) 2019 թվականի դեկտեմբերի 12-ին ԱՄՆ Սենատի կողմից ընդունվել է Հայոց ցեղասպանությունը ճանաչող և դատապարտող բանաձև:
- 4) 2015 թվականի մայիսի 24-ին ընդունվել է Հայոց ցեղասպանության ճանաչման Գերմանիայի, Ֆրանսիայի և Մեծ Բրիտանիայի համատեղ հռչակագիրը:
- 5) 1950-1970-ական թթ. Խորհրդային Ադրբեջանում փակվել է 80 հայկական դպրոց:
- 6) Մատենադարանի և Պատմության թանգարանի շենքերը նախագծվել և կառուցվել են 1920-1930-ական թվականներին:
- 7) Խորհրդային շրջանի նշանավոր ճարտարապետներ էին Ռաֆայել Իսրայելյանը, Նիկողայոս Նիկողոսյանը, Կարո Հալաբյանը:

64

Հետևյալ պնդումներից որո՞նք են ճիշտ:

- 1) Երվանդ IV Վերջինը զոհվել է Մեծ Հայքի հոգևոր կենտրոն Բագարան քաղաքի պաշտպանության ժամանակ:
- 2) Մինչև Ք. ա. III դարի վերջը Հայաստանին տիրելու Մելնկյան տերության փորձերն ապարդյուն են անցնում, քանի որ Մեծ և Փոքր Հայքերը գործում էին միասնաբար:
- 3) Կամբիզի մահվանից հետո Աքեմենյան տերության մեջ սկսվում են գահակալական կռիվներ, որոնք ավարտվում են Դարեհ I-ի հաղթանակով, սակայն նրա իշխանության իրավականությունը Հայաստանը չի ճանաչում:
- 4) Հայաստանի սատրապ Երվանդ III-ը ամուսնացած էր Աքեմենյան տիրակալ Արտաքսերքսես II-ի դստեր հետ և բարձր դիրք էր գրավում տերության մեջ:
- 5) Օգտվելով Աքեմենյան վերջին տիրակալ Դարեհ III-ի՝ Մակեդոնացուց կրած պարտություններից՝ հայերը դեռևս Գավգամելայի ճակատամարտից առաջ հռչակում են Մեծ և Փոքր Հայքերի անկախությունը:
- 6) Մենոն զորավարին չհաջողվեց գրավել Բարձր Հայքի ոսկու հանքերը, որից հետո Ալեքսանդրն նոր զորքեր ուղարկեց Հայաստան:
- 7) Ալեքսանդր Մակեդոնացու հսկայածավալ պետությունը Ք. ա. 301 թ. բաժանվեց մի քանի մասերի, որոնցից ամենախոշորը Հայաստանին սահմանակից Մելնկյան պետությունն էր:

65

Տիգրան II-ի ժամանակ տեղի ունեցած իրադարձությունների տրված շարքում ո՞ր երկուսն են խախտում ժամանակագրական ճիշտ հաջորդականությունը:

- 1) Կորդոքի վերամիավորումը Մեծ Հայքին:
- 2) Վիրքի և Աղվանքի հպատակեցումը:
- 3) Ադիաբենեի, Միգդոնիայի միացումը հայկական թագավորությանը:
- 4) Գողերձ II-ի Պարթևստանում գահ բարձրանալը:
- 5) Մարաստանի թագավոր Միհրդատի և Տիգրան II-ի դստեր ամուսնությունը:
- 6) Պտղոմայիս քաղաքի նվաճումը:
- 7) Հաշտության պայմանագրի կնքումը Գողերձ II-ի և Տիգրան II-ի միջև:
- 8) Հայկական բանակի մուտքը Անտիոք:

66

Իրադարձությունները դասավորե՛ք ժամանակագրական հաջորդականությամբ:

- 1) Կիլիկիայում թագավորական իշխանության հանձնումը Գի Լուզինյանին:
- 2) Խլաթ քաղաքի պաշարումը Զաքարե ամիրսպասալարի կողմից:
- 3) Լևոն I-ի թագադրման հանդիսավոր արարողությունը:
- 4) Գագիկ II-ի տեղափոխվելը Կապադովկիա:
- 5) Միս մայրաքաղաքի գրավումը մամլուքների կողմից:
- 6) Թագավորական իշխանության հանձնումը Լևոն V-ին:
- 7) Անիի գրավումը Ալփ Արսլանի զորքերի կողմից:

67

Երևանի պետական համալսարանին վերաբերող իրադարձությունները դասավորե՛ք ժամանակագրական հաջորդականությամբ:

- 1) Հակոբ Մանանդյանի ընտրվելը պետական համալսարանի ռեկտոր:
- 2) Պատմալեզվաբանական ֆակուլտետի տեղափոխվելը Երևան:
- 3) ՀՀ կառավարության որոշման կայացումը պետական համալսարանի հիմնադրման մասին:
- 4) Համալսարանական ընդհանուր հանձնաժողովի ստեղծումը Թիֆլիսում:
- 5) Համալսարանի հանդիսավոր բացումը Ալեքսանդրապոլում:
- 6) Յուրի Ղամբարյանի նշանակվելը պետական համալսարանի ռեկտոր:
- 7) Համալսարանում դասավանդելու հրավերի ուղարկումը Նիկողայոս Մառին:

68

Կատարե՛ք համապատասխանեցում:

Իրադարձություն

Տարեթիվ

- | | |
|---|------------|
| ա. Երևանի գլխավոր հատակագծի կազմումը Ալ. Թամանյանի կողմից | 1) 1929 թ. |
| բ. Պարի պետական անսամբլի ստեղծումը | 2) 1935 թ. |
| գ. Օպերայի և բալետի պետական թատրոնի բացումը | 3) 1924 թ. |
| դ. Երևանի Պատանի հանդիսատեսի թատրոնի բացումը | 4) 1923 թ. |
| ե. Պետական կոնսերվատորիայի բացումը | 5) 1933 թ. |
| զ. Երևանի դրամատիկական թատրոնի հիմնադրումը | 6) 1954 թ. |
| է. «Նամուս» համր ֆիլմի առաջին անգամ էկրան բարձրանալը | 7) 1925 թ. |
| | 8) 1963 թ. |

ա	բ	գ	դ	ե	զ	է

Վանի թագավորության արքայի անունը համապատասխանեցրե՛ք այն իրադարձությանը, որը տեղի է ունեցել նրա կառավարման շրջանում:

Արքա

- ա. Սարգուրի I
- բ. Իշպուինի
- գ. Մենուա
- դ. Արգիշտի I
- ե. Սարգուրի II
- զ. Ռուսա I
- է. Ռուսա II

Իրադարձություն

- 1) Կատարվել է գրային բարեփոխում, ստեղծվել տեղական սեպագիրը:
- 2) Ընդդեմ Ասորեստանի՝ դաշինք է կնքվել Մարաստանի արքա Աժդահակի հետ:
- 3) Բարեկամական և դաշնակցային հարաբերություններ է հաստատվել կիմերների հետ:
- 4) Վանի թագավորությունը վերածվել է գերտերության:
- 5) Կատարած հաղթարշավների շնորհիվ ստեղծվել է Վանի աշխարհակալությունը:
- 6) Սևանա լճի ավազանում վերակառուցվել է խոշոր ամրոցներ՝ Խալդի և Թեյշեբա աստվածների անուններով:
- 7) Թագավորությունը տարածվել է մինչև Տիգրիսի վերին հովիտ:
- 8) Թագավորության հարավ-արևմտյան սահմանը հասցվել է Միջերկրական ծովի ավազանին:

ա	բ	գ	դ	ե	զ	է

Տրված պնդումներից յուրաքանչյուրի համար ընտրել «ճիշտ է», «սխալ է», «չգիտեմ» պատասխաններից որևէ մեկը:

- 1) Ք. ա. 3 թվականին Օկտավիանոս Օգոստոսը մեծ բանակով Հայաստան է ուղարկել իր որդեգիր Գայոս Կեսարին, որը գահընկեց է արել Տիգրան IV-ին:
- 2) Տիգրան III-ի շեշտված հռոմեական դիրքորոշման վկայությունը նրա լատինատառ մակագրությամբ դրամների առկայությունն է:
- 3) Ք. ա. 8 թվականին Պարթևստանը Հայաստանից գրավեց Ատրպատականը և այնտեղ թագավոր կարգեց Արիոբարզանեսին:
- 4) Ք. ա. 53 թվականին հռոմեացիներին Ատրիքից դուրս մղելու պայքարում պարթև թագաժառանգ Բակուրին օժանդակել է հայազգի զորավար Մուշեղը:
- 5) Արտավազդ II-ի վրեժը լուծել է Արտաշես II-ը, ով հոր մահապատժի լուրն իմանալով՝ հրամայել է սրի քաշել Հայաստանում գտնվող հռոմեացիներին:
- 6) Ք. ա. 36 թվականին Պարթևստան արշավող Մարկոս Անտոնինոսի ամբողջ զորքը կենտրոնացվել է Կարին գավառում: